

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

De Divina Psalmodia, Ejusque Causis, Mysteriis, Et Disciplinis, deque variis
Ritibus omnium Ecclesiarum in psallendis Divinis Officiis, Tractatus,
Historicvs, Symbolicvs, Asceticvs. Sive Psallentis Ecclesiae Harmonia -
Opus novum, & curiosum, ac multiplici eruditione illustratum ... Operum ...

Bona, Giovanni

Parisiis, 1678

§. 3. Quo ritu officium defunctorum celebretur. Dicta quaedam de mortis
recordatione. Qui mores Ethnicorum erga defunctos, deque variis
sepeliendi modis. Qui mortui plangendi. Purgatorii acerbitas, & ...

urn:nbn:de:hbz:466:1-9929

DIVINÆ PSALMODIÆ CAP. XIII. 335
ut per oblivionem, vel incuriam desint. Porro annua
sacra pro defunctis etiam ab Ethnicis fieri consueverunt,
ut (f) Plato, & Thucydides testantur.

S. III.

*Quo ritu officium Defunctorum celebretur. Dicta quædam de
mortis recordatione, Qui mores Ethnicorum erga defun-
ctos, deque variis sepeliendi modis. Qui mortui plangendi.
Purgatorii acerbitas, & ad illud declinandum adhortatio.*

1. **I**ncepit Officium istud absolute sine solemini diuinis
adjutorii invocatione, sine sanctissimæ Trinitatis
glorificatione, sine benedictionibus. alijsque ritibus
lætitiam indicantibus, quia, ut notat (a) Amalarius,
ad imitationem agitur Officiorum, quæ aguntur in
morte Domini. Accedit quod in lege veteri præce-
ptum erat, ne in sacrificio pro peccatis oleum lætitiae
& thus suavitatis admiserentur: idè etiam in his
precum oblationibus pro peccatis mortuorum suavia
lætitiae Cantica reticemus, ne fiat quod scriptum est, (b)
Musica in luctu importuna narratio. A primis Vesperis in-
choatur, quæ quinque Psalmorum modulatione com-
plentur, ut Dominus noster Iesus Christus efficacissimo
quinque vulnerum layacro quicquid illi pec-
carunt per quinque corporis sensus abstergat. Sequi-
tur Canticum B. Virginis, ut omnia eorum iniquina-
menta ipsa Deipara intercedente deleantur. Psalmum
tandem 145. in fine recitamus, in quo exitum spiritus,
& extincti corporis reversionem in terram suam com-
memoramus. Nocturnæ preces tribus Psalmis, toti-
demque lectionibus, & Responsoriis constant, ut per-
cepta venia peccatorum cordis oris, & operis Angelorum
consortio, quorum triplex est Hierarchia, &
ter triplex chorus aggregari, mereantur. In Laudibus

f Plato. 4. de legib. Thucid. lib. 3. a Annal. lib. 3. c. 43. b Eccli. 22. 6.

quinque Psalmos eodem quo in Vesperis mysterio de cantamus. Tum per Canticum Zachariæ gratias agimus Domino, quia per viscera misericordie suæ visi tavit sedentes in tenebris, & umbra mortis, & fecit redemptionem plebi suæ. Clauduntur Laudes Psalmo 129. qui est unus Gradualium, quem in persona cu pientum ad Deum ascendere modulamur, ut de profundis, extremisque malis liberati refrigerii sedem ob tineant, quietis beatitudinem, luminis claritatem.

II. Generaliter verò cum pro defunctis oramus, fi nis nostri recordamur. Mortui sunt illi, moriemur & nos: illi heri, nos hodie. Sed præstat de hac re virum doctissimum (c) Hugonem Eterianum audire. In spice, ait, sepulchra mortuorum, & videre non renuas triste, & nequaquam deletabile spectaculum. Vide puluerem dissolutionis, & nostri fastus calamitatem sustine. Replere odore nimio, intolerabili fætore. Patere fortiter evaporantem de putredine halitum, & tabem expirantem. Suffer vermium acervos aspicere. Intuere diligentius, si libet; discerne, si tibi posse sup petit. Aptæ rursus os ossi, & si vis singulas eorum quæ cernis soluta, partes partibus compone. Conside ra si vales, cuius hæc, cuius illa sit: quis iste, quis sit ille: utrum senex, an adolescens; felix, an pressus in fortuniis vixerit, longæuus, an citè vita functus, glori osus, an ignobilis. Hæc expende, circumspice, quanto mœrore, quantoque maceraberis tristitia? Quò in quies, figura horum, & decor abiit? Quam ingratus est iste aspectus! Quam displicens, quam sordidus, & quam tristifer! Heu hanc sortem! Carnes solutæ sunt, viscera dirupta, partes disaggregatæ, plasmationis, & fabricæ decor exterminatus. Ad horum certè similitudinem quisque nostrum in loculis deponetur, computræscet, deinde eadem vermium ingluvie consumptus dissolvetur. Intelligis, ô homo, quid dicatur? Cir

c Hugo. Eter. lib. de Animar. regressu cap. 19.

cumspice

cumspice se pulchra, & vide ossa humanæ compaginis, reversusque ad te collacryma, ingemisce, suspira de profundo, animadverte humanam calamitatem, qualē finem sortita sit animadvertisco. Hæc, & alia lectu dignissima Hugo. Joannes autem (*d*) Chrysostomus ad hujus quoque, & æternæ mortis contemplationem Theodorum lapsum hortatur his verbis. Perge quæso ad sepulchrum, contemplare pulverem, cineres, vermes, loci deformitatem, & amarè suspira. Atque utinam ad pulverem tantum hujusmodi damnum pertingeret. Verum interim à sepulchro, & his vermibus deduc oculos mentis ad vermem illum immortalem, ad ignem illum inextinguibilem, ad fremitum dentium, & extremam afflictionem. Hæc est nimirum mors secunda, quam timere debemus, mors animæ, mors æterna: mors enim corporis transitus est ad vitam, & ut rectè philosophatur (*e*) Marcus Antoninus Imperator, si quis eam perse intueatur, cogitationeque omnia ab ea separet, quæ ei inesse videntur, is jam nihil aliud existimabit esse mortem, quam opus naturæ. At vero puer est, qui naturæ aliquod opus formidat. Mortem itaque quotidie considerare, & contemplari, non autem timere debemus, ut ab ejus meditatione vitam sapienter instituere discamus. Sententia est enim sapientissimi inter Philosophos, veram solidamque Philosophiam in mortis contemplatione fitam esse.

M E T R V M X X V I I I .

Nil me amplius cultos legere libros juvat,
Et noctu ad tremulas evigilare faces.
Quicquid lycaum, porticus quicquid sonat
Despicio, & quicquid Castalis undarigat,
Iam noli putri squallidas chartas situ
Excutere, & vigili volvere scripta manu.

d Chrys. ad Theod. Lapsum parv. 1. & M. Antonin. lib. 2. de se ipso.

Docere parvus plura me potest cinis,

Dum pede nobilium contere membra ducum.

Cessate mœstis questibus funus sequi,

Si patris, aut nati stamina Parca secet.

Sincera amarum comprimat luctum fides,

Discite, quid mutis vocibus urna sonet.

Quod cernitis cadaver in me conditum

Nunc mage Riphæo diriguisse gelu?

Non semper esca vermibus foedis erit,

Nec rigidus semper conteget ossa lapis

Sed surget arcta vincia dissolvens necis,

Cum dabit extremum buccina in orbe sonum.

Non ergo mors est horrida, ut vulgus putat,

Nec miserum ut vivas est periisse semel.

Quid larva inanis incutit viris metum?

Mors nihil horrificum, quod timeatur, habet.

Hæc post tumentis naufragum murmur maris

Navibus optata dat statione frui.

Hæc post laborem præmium justis refert,

Matris & in gremio corpora fessa locat.

Hæc vitamors est, sic graves tradunt sophi:

Mors est in mundo vivere, vita mori.

III. Solemne fuit apud omnes nationes pietate uti erga defunctos. Quia vero & ipsis Ethnicis id unum erat justitiae genus, factum est ut parentalia sacrificia, & funerandi celebritas justa dicerentur. Curatio autem funeris, inquit (f) Augustinus, conditio sepulturæ, pompa exequiarum magis vivorum solatia sunt, quam subsidia mortuorum. Nec ideo tamen contemnenda, & abjicienda sunt corpora defunctorum, maximeque justorum, ac fidelium, quibus tanquam organis, & vasis ad omnia bona opera sanctus usus est Spiritus. Vnde & antiquorum justorum funera officiosa pietate curata sunt, & exequie celebratæ, & sepulta provisa: ipsique cum viverent de sepeliendis, vel

f Aug. lib. de cura pro mortuis gerenda.

etiam transferendis suis corporibus filiis mandayerunt. Quare, ut scribit (*g*) Julianus in Prognostico, quicquid impenditur humano corpori non est præsidium salutis, sed humanitatis officium secundum affectum, quo nemo unquam carnem suam odio habuit. Valeat Stoïcorum rigida nimis, & inhumana secta, quibus nihil interest humi-ne an sublimè putrescant. Neminem de supremo officio rogo, ait (*h*) Seneca, nulli reliquias meas commendo: ne quis insepultus esset, rerum natura prospexit. Nimis barbaræ fuerunt gentes, quæ sepelire cadavera non probarunt. Hujusmodi fure Perse, quorum pessimus fuit mos feris dilaniandos proiicere mortuos, si vera tradunt (*i*) Agathias, & Theophylactus Simocatta. Legimus etiam Parthorum sepulturam aut avium, aut canum laniatus olim fuisse. Apud quosdam immanes populos narrat (*k*) Solinus usu receptum esse, ut à propinquis consumantur defuncti, adeò quidem ut objurgentur agrifrequenter, quod carnem suam faciant deteriorem. Ponti Euxini incolæ, teste (*l*) Tertulliano, parentum cadavera convorant: qui non ita decesserint, ut escatiles fuerint, maledicta mors est. (*m*) Modestinus I. C. proponit quemdam in suo testamento hæredem scripsisse sub tali conditione, si reliquias suas in mare abiecisset. De astuta quadam anu sic canit Horatius. (*n*)

*Me dicam sene quid factum est: Anus improba Thebis
Ex testamento sic est elata cadaver
Vnctum oleo largo nudis humeris tulit heres,
Scilicet elabi si posset mortua? credo
Quod nimium infiterat viventi.*

Nota est apud (*o*) Satyricum illius barbaries, qui morti proximus post conditum testamentum; Omnes, inquit, qui legata habent, hac conditione percipient,

g Julian. lib. 1. Prognost. c. 18. *h* Seneca Ep. 93. *i* Agath. hist. lib. 2. Simocatta. lib. 3. Hist. c. 7. *k* Iustinus Hist. l. 41. Solinus cap. 55. *l* Tertullian. lib. 1. adv. Marcionem. *m* L. quidam ff. de cord. t. finem. institut. l. 2. Sat. 5. *n* I. 2. Sat. 5. *o* Petr. Aib. prop.

si corpus meum in partes conciderint, & astante populo comedent. (p.) Silius Italicus tumuli, & cinerum discordes sententias apud diversas gentes his verbis describit :

*Tellure, ut perhibent, is mos antiquus Ibera,
Ex anima obscenus consumit corpora vultur.
Regia cum lucem posuerunt membra, probatum est
Hircanis adhibere canes. Aegyptia tellus
Claudit odorato postfunus stantia saxo
Corpora, & à mensis exanguem hand separat umbram.
Exhausto instituit Pontus vacuare cerebro
Ora virum, & longum myrrhat a recondit in ævum,
Quid qui reclusa nudos Garamantes arena
Infodiunt; quid qui sævo sepelire profundo
Exanimes mandant Lybicis Nasamones in oris?
At Celtæ vacui capitis circumdare gaudent
Offa (nefas !) auro, & mensis ea pocula servant.
Cecropidae ob patriam Mavortis sorte peremptos
Decrevere simul communibus urere flammis.
At gente Scythica suffixa cadavera truncō
Lenta dies sepelit putri liquentia tabo.*

Differunt de eadem re (q) Cicero in Tusculanis, & Sextus Empyricus in Pyrrhoniis.

I V. Irrident etiam mortuorum curam, qui nihil hominis putant superesse post mortem, cuiusmodi fure (r) Lucretius, & Lucianus. At hi rationem in vinculis habentes brutalem animum humano exuvio cæabant. Non sic Romani, & aliæ nationes politioribus disciplinis excultæ : magno enim apparatu suorum funera curabant, & corpora ingesta humo sepiientes terræ tanquam magnæ parenti commendabant. Sed ne plura hic de funeribus dicam, viri docti præoccuparunt quorū nomina in fine capitï recitabo. Præitat autem hoc loco illud Christianis ingerere, quod

p lib. 15. q Cic. 1. Tuscul. Sext. Emp. lib. 3. Pyr. hypot. c. 14. r Lucret. lib. 3. Lucian. de luctu.

Charondas apud (f) Stobeum monet, defunctorum unumquemq; non lacrymis, aut miseratione, sed bona recordatione, & fructuum quotannis nascentium oblatione honorandos esse. Aliqui enim postquam inutilibus lacrymis, fæmineoque v lulatu suorum transitum deplorarunt, nullam amplius de anima defuncti curam habent, ac si nulla spes esset futuræ resurrectionis. (t) Chrysostomus luctum prohibens pro mortuis, Dic mihi, ait, quid sibi volunt clarae lampades; An non eos tanquam Athletas deducimus? Quid autem Hymni? An non Deum glorificamus, & gratias agimus quod eum qui excessit iam coronaverit; Quod à laboribus liberaverit; Quod ejecto metu cum apud se habeat? Non ideo sunt Hymni; Non ideo Psalmodes; Hæc omnia sunt lætantium. (u) Idem alibi. Luge, inquit, infideles, luge eos, qui nihil ab infidelibus differunt, qui sine illuminatione, sine signaculo decesserunt. Hi lamentis digni sunt, hi lacrymis, hos lugeamus. Verè enim moritur apud Deum, ut scribit sanctus (x) Gaudentius, qui ab Apostolicæ fidei veritate discedit; cui Christus Deus, qui vita est, amputatur. Quod si manantes ab oculis lacrymas cohibere non potes, ostendet tibi (y) Ambrosius quem mortuum debeas flere. Habet unusquisque quos fleat mortuos suos, ait ille. Mortui sumus quando peccamus, quando implemur ossibus mortuorum. Cui consonans (z) Absalon Abbas; Plange, inquit, mortuum tuum. Mortuus tuus spiritus tuus est multitudine scelerum tanquam plagi multis extinctus. Non est hic mortuus quatridanus in sepulchro, qui à memoria tua iam exciderit: non est mortuus in porta, qui iam evanescat ab oculis tuis: sed est in domo tua, præ ocalis tuis, ut semper eum videoas, & horrore concutiaris, & inde-

f Stobæus ser. 42. t Chrys. Hom. 4. in ep. ad Hebr. u Idem Hom. 3. id Philip. x Gaud. in Praef. ad Benevolum. y Ambros. in Luc. c. 6. z Absal. Abb. serm. 3. t. qui est 3. in Annunc.

sine tener plangas mortuum, cui viventi placere nolquisti. Non dico omnem luctum omnem miserationis affectum excludendum esse in amissione suorum, cum sanctos Patres in morte amicorum, & consanguineorum passim flevisse legamus: sed hoc moneo, juvandos potius esse defunctos orationibus, aliisque suffragiis, quam planctu, & lamentis, quæ nihil eis prosunt. Lex charitatis ad hoc nos urget, & obstringit. Charitas enim fortis esse dicitur sicut mors, dura sicut infernus æmulationis, quia, ut (*a*) Philo Carpathiorum Episcopus scribit, ita obscuratur animus charitate Dei, ac proximi, ut vel ad inferos preces penetrare faciat divina gratia nixus ad sublevandas animas purgandorum.

V. (*b*) *Quaecumque vultis, ut faciant vobis homines, vos facite illis: hec est enim lex & Prophetæ, dicit Dominus Salvator noster.* (*c*) *Eadem quippe mensura, quam mensura fueritis, remetietur vobis.* Quare si quis defunctis misericordiam praestiterit, & ipse misericordiam consequetur, cum ad eluendas culpas in ardentissima purgatorii fornace cruciabitur. *Quis enim tam perfectus, tam sanctus est, ut cum exierit è vita, nihil illi debeat igni: qui gloriari possit, & dicere, Mundum est cor meum, purus sum à peccato?* Pauci quidem sunt electi, sed inter illos paucissimi sunt ita perfecti, ut omnem purgationem impleverint in hac vita. Consignao hoc caput aurea parænesi dulcissimi Patris (*d*) Bernardi. De reliquo, fratres, dico vobis, si hæc assidue cogitaretis, non tam facile in vanis cogitationibus, & otiosis sermonibus, in jocis, & scurrilitatibus laberemini, quia in his multum perditis, & de vita vestra, & de tempore vestro. Volat irrevocabile tempus, & dum creditis vos cavere penam istam minimam, incurritis ampliorem. Illud enim scitote, quia

a Cant. 3. 6. ac ibid. Philo in comm. b Matth. 7. 12. c Luc. 6. 38. d Bernardi ser. de obitu Virgili.

post hanc vitam in purgabilibus locis centupliciter, quæ fuerint hic neglecta, redduntur usque ad novissimum quadrantem. Scio ego, quia durum est homini diffoluto apprehendere disciplinam, verboso silentium pati, vagari solito stabilem permanere, sed durius, & multo durius erit futuras illas molestias tolerare. Et ne forte parvipendens Purgatorii acerbitatem, non ad te pertinere dicas, quamdiu moreris in illo, dummodò tandem pervenias ad vitam æternam; suggillat te sanctus (e) Cæsarius Arelatensis Episcopus his verbis. Nemo hoc dicat, fratres charissimi, quia ille ipse Purgatorius ignis durior erit, quam quicquid potest pœnarum in hoc seculo aut cogitari, aut videri, aut sentiri. Suggillat te quoque (f) Petrus Archidiaconus Bathonensis dicens. O insensati, & cæci! Si taverit Dominus sordes filiarum Sion in spiritu judicii, & spiritu ardoris; nonnè consultius vobis erat brevi contritione cordis, & confessione purgari, quam illud incendium expectare, quod licet non sit æternum, omnes dolores vitæ praesentis, omnes angustias nostræ sensualitatis excedit?

VI. Heu quanto melius nunc arderemus delectabili amore, quam tunc illo pœnali ardore! Quanto suavius nunc igne amoris purgaremur, ut mundanum in nobis non relinqueretur quod mundi incendio obnoxium inveniretur: sed sicut tribus pueris ventus roris fieret nobis fornax Babylonis. (g) Alioquin si tepide, & negligenter viventes ligna, fœnum, stipulam nobis coacervamus, & tantam ignium materiam hinc nobiscum portamus, cum examen illius Purgatorii tales intraverimus, quis poterit de nobis habitare cum igne devourante? aut quis habitabit ex nobis cum ardoribus sempiternis? quando omne etiam vestimentum mixtum sanguine erit in combustionem, & cibus ignis. Scio

e Cæsar. Hom. 8. f Petr. Blesen. Ser. de transfig. g Guerr. Abb. Ser. 1. in Quadrag.

344 DE OFFICIO PARVO B. VIRGINIS.
quidem, quia si satis arderem igne charitatis, de me
quoque diceretur (b) *Dimituntur ei peccata multa, quo-*
niam dilexit multum. Nunc autem si purgari non mereor
igne dilectionis; utinam vel purgarer alicujus igne pas-
tionis, fieretque mihi, quod Propheta imprecatur sibi;
(i) *Ingredietur putredo in ossibus meis, & subter me scateat,*
ut requiescam in die tribulationis. Utinam qui cœpit ipse
me conterat, solvat manum suam, & succidat me: &
hæc mihi sit consolatio, ut affligens me dolore non
parcat. Verumtamen nosti Domine infirmitatem fig-
menti mei. Quæ est enim fortitudo mea, ut sustineam,
aut quis finis meus, ut patienter agam? (k) *Nec for-*
titudo lapidum fortitudo mea, nec caro mea ænea est. Hoc
igitur peto Domine, ne in furore tuo arguas me, neque
in ira tua corripias me. Respice infirmitatem meam, &
secundum illam moderare manum tuam, ne vehemen-
tia verberis frangat patientiam cordis; sed magis tribu-
latio patientiam operetur, patientia probationem, pro-
batio spem. Væ autem mihi, si quotidie uror, & non
emundor, ut & de me dici contingat. (l) *Mulio labo-*
re sudatum est, & non exivit de anima rubigo ejus neque per
ignem. Væ mihi, si mundari in illa dumtaxat die pote-
ro, quando sedebit ipse judex quasi ignis conflans, &
emundans argentum, & purgabit filios Levi. Au-
diam itaque Apostolum dicentem, (m) *Ecce nunc tem-*
pus acceptabile, ecce nunc dies salutis: & dum tempus ha-
berimus, operemur bonum. Audiam consilium (n) Sapien-
tis, qui ait: *Quodcumque facere potest manus tua, instanter*
operare; quia nec opus, nec ratio, nec sapientia, nec scientia
erunt apud inferos, quò tu properas.

i Habac. 3. 16. k Job. 6. 9. l Ezech. 24. 12. m 2. Cor. 6. 2. Galat. 6. 10.
n Eccles. 9. 10.